

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Vtru[m] lætitia sit deuotionis effectus? 4

urn:nbn:de:hbz:466:1-38762

hunc in invisibilium amorem rapiamur. Et idèò ea, quæ pertinent ad Christi humanitatem per modum eusdem manuductionis, maximè deuotionem excitant: cum tamen deuotio principaliter circa ea, quæ sunt diuinitatis, consistat.

Ad tertium dicendum, quod scientia & quicquid aliud ad magnitudinem pertinet, occasio est quod homo cōfidat de seipso: & idèò nō totaliter se Deo tradat. Et inde est quod huiusmodi, quādoque occaſionaliter deuotionē impeditur; & in simplicibus & mulieribus deuotio abundat, elationem compri-mendo. Si tamen scientiam & quamcumque aliam perfectionem homo perfectè Deo subdat, ex hoc ipso deuotio augetur.

ARTIC. IV.

Vtrum letitia sit deuotionis effectus?

AD quartum sic proceditur. Videtur, quod lætitia non sit deuotionis effectus. Quia ut * dictū est, passio Christi præcipue ad deuotionem excitat. Sed ex eius consideratione consequitur in anima quādam affectio, secundum illud Thren. 3. Recor-dare paupertatis meæ, absynthij & fellis: quod per-tinet ad passionem. Et postea subditur, Memoria memor ero: & tabescer in me anima mea. Ergo de-lestatio, sive gaudium, non est deuotionis effectus.

437

art. præc.

¶ 2 Præterea, Deuotio præcipue consistit in interiori sacrificio spiritus. Sed in Psal. 50. dicitur, Sacrificium Deo spiritus contribulatus. Ergo afflīcio magis est deuotionis effectus, quam iucunditas, sive gaudium.

¶ 3 Præterea, * Greg. Niss. dicit in lib. de ho-mine, quod sicut risus procedit ex gaudio, ita lachry-mæ & gemitus sunt signa tristitia. Sed ex deuotione contingit, quod aliqui prorumpant in lachrymas. Ergo lætitia vel gaudium nō est deuotionis effectus.

SED contra est, quod in collecta dicitur, Quos ieiunia vorax castigant, ipsa quoque deuotio tan-ga latifiet.

cap. 12. à
medio.

R.H.

RESPONDENS dicendum, quod deuotio per se quidem & principaliter spiritualem lætitiam mentis causat: ex consequenti autem, & per accidens causat tristitiam. Dicū est enim quod deuotio ex dupli consideratione procedit. Principaliter quidem ex consideratione diuinæ bonitatis: quia ista consideratio pertinet quasi ad terminum motus voluntatis tradentis se Deo. Et ex ista consideratione per se quidem sequitur delectatio, secundum illud Psalm. 76. Memor sui Dei, & delectatus sum. Sed per accidens hec consideratio tristitiam quamdam causat in his qui nondum plenè Deo fruuntur: secundum illud Psalm. 41. Sicutiuit anima mea ad Deum fontem viuum. Et postea sequitur, Fuerunt mihi lachrymæ meæ, &c. Secundario vero causatur deuotio, ut dictum est, ex consideratione propriorum defectuum. Nam hæc consideratio pertinet ad terminum, a quo homo per motum voluntatis deuotæ recedit: ut scilicet non insé existat, sed Deo se subdat. Hæc autem consideratio est conuerso se haber ad primam. Nam per se quidem nata est tristitiam causare, recognitando proprios defectus: per accidens autem lætitiam, scilicet proper spem diuinæ subuentioñis. Et sic pater, quod ad deuotionem primò & per se consequitur delectatio: secundariò autem & per accidens, tristitia, quæ est secundum Deum.

Ad primum ergo dicendum, quod in consideratione passiōnis Christi, est aliquid quod contristat, scilicet defectus humanus: propter quem tollendum, Christum pati oportuit. & est aliquid, quod lætitiat, scilicet Dei erga nos benignitas, quæ nobis de tali liberatione prouidit.

Ad secundum dicendum, quod spiritus, qui ex una parte contribulatur propter præsentis vita defectus, ex alia parte condelectatur ex consideratione diuina bonitatis, & ex spe diuini auxilij.

Ad tertium dicendum, quod lachrymæ prorumpunt non solum ex tristitia, sed etiam ex quadam affectu.

affectus teneritudine, præcipue cum consideratur ali
quid delectabile cum permixtione alicuius tristabili-
dis: sicut solent homines lachrymari ex pietatis affe-
ctione, cum recuperant filios vel charos amicos, quos
existimauerant se perdidisse. Et per hunc modum
lachrymæ ex deuotione procedunt.

QVÆST. — LXXXIII.

De oratione, in septemdecim arti ulos diuisa.

D Einde considerandum est de oratione.

- D ¶ Et circa hoc queruntur decem & septem.
- ¶ Primo, utrum oratio sit actus appetitiæ virtutis,
vel cognitivæ?
- ¶ Secundo, utrum sit conueniens orare Deum?
- ¶ Tertio, utrum oratio sit actus religionis?
- ¶ Quarto, utrum solus Deus sit orandus?
- ¶ Quinto, utrum in oratione sit aliquid determinatè petendum?
- ¶ Sexto, utrum orando debeamus temporalia petere?
- ¶ Septimo, utrum pro alijs orare debeamus?
- ¶ Octavo, utrum debeamus orare pro inimicis?
- ¶ Nono, de septem petitionibus orationis dominicæ.
- ¶ Decimo, utrum adorare sit proprium rationalis
creature?
- ¶ Undecimo, utrum sancti in patria orent pro nobis?
- ¶ Duodecimo, utrum oratio debeat esse vocalis?
- ¶ Decimotertio, utrum attentio requiratur ad orationem?
- ¶ Decimoquarto, utrum oratio debeat esse diuturna?
- ¶ Decimoquinto, utrum oratio sit efficax ad impre-
trandum quod petitur?
- ¶ Decimosexto, utrum sit meritoria?
- ¶ Decimoseptimo, de speciebus orationis.

AR.